

BOSNA I HERCEGOVINA
Federacija Bosne i Hercegovine
TUZLANSKI KANTON
VLADA

ZAKON O IZMJENAMA I DOPUNAMA ZAKONA O SPORTU
(NACRT)

novembar 2017. godine

Na osnovu člana 24. stav (1) tačka c) Ustava Tuzlanskog kantona („Službene novine Tuzlansko-podrinjskog kantona“, broj: 7/97 i 3/99 i „Službene novine Tuzlanskog kantona“, broj: 13/99,10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj dana _____ donosi,

Z A K O N

O IZMJENAMA I DOPUNAMA ZAKONA O SPORTU

Član 1.

(1) U Zakonu o sportu („Službene novine TK“, broj: 8/10 i 8/13), u njegovom cijelom tekstu, ispred riječi „općina“ izražene u određenom padežu dodaje se tekst „grad“ izražen u odgovarajućem padežu.

(2) Riječ „invalid“ izražena u određenom padežu u cijelom tekstu zakona zamijenjuje se tekстом „lice sa invaliditetom“ izraženim u odgovarajućem padežu.

Član 2.

Iza člana 1. dodaju se novi članovi 1a. i 1b. koji glase:

„Član 1a.

(Rodna ravnopravnost)

Izrazi korišteni u ovom zakonu, a koji su dati u jednom gramatičkom rodu, bez diskriminacije po bilo kom osnovu, odnose se i na muškarce i na žene.

Član 1b.

(Zabrana diskriminacije)

Zabranjena je diskriminacija u sportu, u skladu sa ovim zakonom, Zakonom o zabrani diskriminacije („Službeni glasnik BiH“, broj: 59/09 i 66/16) i Zakonom o ravnopravnosti spolova u Bosni i Hercegovini („Službeni glasnik BiH“, broj: 32/10).“

Član 3.

U članu 2. u tački i) tekst „Invalidski sport“ mijenja se i glasi: „Sport za lica sa invaliditetom“.

Član 4.

U članu 3. tačka c) mijenja se i glasi:

„c) jednaka dostupnost sporta bez obzira na rasu, boju kože, nacionalnu ili etničku pripadnost, socijalni status, vjersko, političko ili drugo uvjerenje, invaliditet, zdravstveni status, dob, pol, rod, seksualnu orijentaciju, rodni identitet ili bilo koje drugo lično svojstvo.“

Iza tačke c) dodaju se nove tačke d), e) i f) koje glase:

„d) ravnopravno učešće muškaraca i žena u sportu,

e) zabrana raspirivanja mržnje i netrpeljivosti na osnovu nacionalne ili etničke pripadnosti, boje kože, vjerskog, političkog ili drugog uvjerenja, pola, seksualne orijentacije, invaliditeta, rodnog identiteta, jezika ili nekog drugog ličnog svojstva,

f) organizovanje efikasnog sistema stručnog osposobljavanja i usavršavanja stručnih kadrova u sportu,“.

Dosadašnje tačke od d) do h) postaju tačke od g) do k).

Član 5.

U članu 8. tačka a) mijenja se i glasi:

„a) osnovna polazišta i pravci razvoja aktivnosti, pri čemu će se voditi računa o ravnopravnosti spolova, kao i osiguranju učešća svih lica i grupa bez obzira na rasu, boju kože, nacionalnu ili etničku pripadnost, socijalni status, vjersko, političko ili drugo uvjerenje,

invaliditet, zdravstveni status, dob, pol, rod, seksualnu orijentaciju, rodni identitet ili bilo koje drugo lično svojstvo,“.

Član 6.

U članu 9. stav (2) tekst „Ministarstva obrazovanja, nauke, kulture i sporta Tuzlanskog kantona“ zamijenjuje se tekstem „Ministarstva za kulturu, sport i mlade Tuzlanskog kantona“.

Član 7.

U članu 13. stav (1) mijenja se i glasi:

„(1) Savjet za sport Tuzlanskog kantona (u daljem tekstu: Savjet) ima devet članova i predstavlja savjetodavno tijelo Ministarstva koje se brine o razvoju i kvalitetu sporta na nivou Kantona, a čine ga: predsjednik, potpredsjednik i sedam članova.“.

Član 8.

Član 14. mijenja se i glasi:

„Član 14.

(Imenovanje i sastav Savjeta)

(1) Savjet imenuje Ministarstvo na period od četiri godine, iz reda iskaknutih učesnika u sportu. U Savjet se obavezno imenuje predstavnik sporta za lica sa invaliditetom.

(2) Prilikom imenovanja Savjeta obavezno se osigurava rodna ravnopravnost, koja postoji ukoliko je u Savjetu jedan od polova zastupljen najmanje 40%.

(3) Po imenovanju i konstituisanju, na prvoj radnoj sjednici, Savjet donosi poslovnik o radu, kojim se bliže uređuje način rada, pripremanja i održavanja sjednica, odlučivanja i druga pitanja od značaja za rad Savjeta.

(4) Administrativno-tehničke poslove za Savjet obavlja sekretar Savjeta kojeg imenuje ministar.

(5) Predsjednik, potpredsjednik i članovi Savjeta za svoj rad, iz sredstava predviđenih za tjelesnu kulturu i sport, ostvaruju pravo na naknadu, u skladu sa posebnom odlukom koju donosi ministar.

(6) Savjet o svom radu, najmanje jedanput godišnje, podnosi izvještaj Ministarstvu.

(7) Ministar može razrješiti Savjet i prije isteka perioda na koji je imenovan, ako se utvrdi da je rad Savjeta neuspješan u realizaciji poslova propisanih ovim zakonom.“

Član 9.

U članu 16. stav (3) mijenja se i glasi:

„(3) Bliži propis o vođenju Registra na nivou Kantona donosi Ministarstvo, i to posebno za pravna lica, a posebno za fizička lica.“.

Član 10.

U članu 17. iza tačke e) dodaje se nova tačka f) koja glasi:

„f) sportsko društvo lica sa invaliditetom,“.

Dosadašnje tačke f), g), h), i), j), k), l), m) i n) postaju tačke g), h), i), j), k), l), m), n) i o).

Član 11.

U članu 20. dodaje se novi stav (2) koji glasi:

(2) Profesionalni sportski klub osniva se i registruje kao poslovni subjekt kod nadležnog suda u skladu sa ovim zakonom, Zakonom o registraciji poslovnih subjekata u Federaciji Bosne i Hercegovine i drugim propisima iz oblasti sporta.“

Član 12.

Član 23. mijenja se i glasi:

„Član 23.

(Sportski savez grada/općine)

(1) Granski sportski savezi grada/općine, kao i sportski klubovi u čijoj sportskoj grani zbog nerazvijenosti nije osnovan granski sportski savez grada/općine, udružuju se u sportski savez grada/općine, putem kojeg grad/općina ostvaruje svoj javni interes u oblasti sporta.

(2) Sportski savez grada/općine je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog saveza grada/općine nije drugačije određeno.

Član 13.

Članu 24. mijenja se i glasi:

„Član 24.

(Granski sportski savez grada/općine)

(1) Ako na području grada/općine djeluje najmanje tri sportska kluba u istom sportu, može se osnovati granski sportski savez grada/općine u tom sportu.

(2) Granski sportski savezi grada/općine udružuju se u sportski savez grada/općine i granski sportski savez Kantona.“

Član 14.

U članu 27. stav (1) tačka d) mijenja se i glasi:

„d) saradnju sa nadležnim sportskim organizacijama i organima Bosne i Hercegovine, entiteta, Kantona, Brčko-Distrikta i drugih nivoa administrativnog organizovanja,“.

Iza stava (1) dodaje se novi stav (2) koji glasi:

„(2) Pored poslova iz stava (1) ovog člana, Sportski savez Kantona obavlja i druge poslove po nalogu Vlade Kantona i Ministarstva.“

Dosadašnji stav (2) postaje stav (3).

Dosadašnji stav (2) koji postaje stav (3) mijenja se i glasi:

„(3) Za obavljanje poslova iz stava (1) i (2) ovog člana Sportski savez Kantona sufinansira se iz sredstava predviđenih za sport u Budžetu Kantona.“

Član 15.

Član 30. mijenja se i glasi:

„Član 30.

(Profesionalni sportski klub lica sa invaliditetom)

(1) Profesionalni sportski klub lica sa invaliditetom osniva se kao privredno društvo, s ciljem obavljanja sportske djelatnosti.

(2) Profesionalni sportski klub lica sa invaliditetom osniva se i registruje kao poslovni subjekt kod nadležnog suda u skladu sa ovim zakonom, Zakonom o registraciji poslovnih subjekata u Federacije Bosne i Hercegovine i drugim propisima iz oblasti sporta.“

Član 16.

Iza člana 30. dodaje se novi član 30a. koji glasi:

„Član 30a.

(Sportsko društvo lica sa invaliditetom)

(1) Sportski klubovi lica sa invaliditetom mogu se, radi uređivanja i ostvarivanja zajedničkih ciljeva i interesa, kao i zajedničkog nastupanja u određenoj oblasti sporta, udruživati u sportska društva lica sa invaliditetom.

(2) Međusobne odnose i prava sportski klubovi lica sa invaliditetom, udruženi u sportsko društvo lica sa invaliditetom, regulišu osnivačkim aktom i drugim aktima sportskog društva lica sa invaliditetom.

(3) Sportsko društvo lica sa invaliditetom je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog društva lica sa invaliditetom nije drugačije određeno.

(4) Na osnivanje, upis u registar, obavljanje sportskih aktivnosti i sportske djelatnosti, rješavanje sporova, odgovornost, kao i na druga pitanja u vezi sa radom sportskog društva lica sa invaliditetom, primjenjuju se odredbe ovog zakona koje se odnose na sportska udruženja, ako ovim zakonom nije drugačije propisano.“

Član 17.

Član 31. mijenja se i glasi:

„Član 31.

(Sportski savez lica sa invaliditetom grada/općine)

(1) Granski sportski savezi lica sa invaliditetom grada/općine, sportski klubovi lica sa invaliditetom u čijoj sportskoj grani zbog nerazvijenosti granski sportski savez lica sa invaliditetom nije osnovan i udruženja lica sa invaliditetom za sportsku rekreaciju udružuju se u sportski savez lica sa invaliditetom grada/općine, putem kojeg grad/općina ostvaruje svoj javni interes u oblasti sporta za lica sa invaliditetom.

(2) Sportski savez lica sa invaliditetom je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog saveza lica sa invaliditetom grada/općine nije drugačije određeno.

Član 18.

Iza člana 31. dodaje se novi član 31a. koji glasi:

„Član 31a.

(Granski sportski savez lica sa invaliditetom Kantona)

(1) Granski sportski savezi lica sa invaliditetom grada/općina i sportski klubovi lica sa invaliditetom u čijoj sportskoj grani zbog nerazvijenosti nije osnovan sportski savez lica sa invaliditetom grada/općine, udružuju se u granske sportske saveze lica sa invaliditetom Kantona, radi ostvarivanja zajedničkih ciljeva i interesa, zajedničkog nastupanja u oblasti sporta i organizovanja takmičenja na nivou Kantona, te obavljanja drugih aktivnosti u skladu sa ovim zakonom.

(2) Granski sportski savezi lica sa invaliditetom Kantona se udružuju u sportski savez lica sa invaliditetom Kantona, kao i granske sportske saveze organizovane na nivou Federacije Bosne i Hercegovine i Bosne i Hercegovine.

(3) Za jedan sport može se na nivou Kantona organizovati samo jedan granski sportski savez lica sa invaliditetom.

(4) Granski sportski savezi lica sa invaliditetom Kantona se osnivaju u skladu sa ovim zakonom i Zakonom o udruženjima i fondacijama Federacije Bosne i Hercegovine.

(5) Ako zbog nerazvijenosti određenog sporta za lica sa invaliditetom na području Kantona nisu ispunjeni uslovi iz stava (1) ovog člana za organizovanje granskog sportskog saveza lica sa invaliditetom Kantona, registracija granskog sportskog saveza lica sa invaliditetom na nivou Kantona, do ispunjenja uslova propisanih ovim zakonom, može se izvršiti uz saglasnost Ministarstva.“

Član 19.

Član 32. mijenja se i glasi:

„Član 32.

(Sportski savez lica sa invaliditetom Kantona)

(1) Sportski savezi lica sa invaliditetom grada/općine i granski sportski savezi lica sa invaliditetom grada/općine udružuju se u sportski savez lica sa invaliditetom Kantona.

(2) Međusobne odnose i prava članice sportskog saveza lica sa invaliditetom Kantona regulišu osnivačkim aktom i drugim aktima sportskog saveza lica sa invaliditetom Kantona.

(3) Sportski savez lica sa invaliditetom Kantona je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog saveza lica sa invaliditetom Kantona nije drugačije određeno.

(4) Na osnivanje, upis u registar, obavljanje sportskih aktivnosti i sportske djelatnosti, rješavanje sporova, odgovornost, kao i na druga pitanja u vezi sa radom sportskog saveza lica sa invaliditetom Kantona, dosljedno se primjenjuju odredbe ovog zakona koje se odnose na sportska udruženja, ako ovim zakonom nije drugačije propisano.“

Član 20.

Iza člana 32. dodaje se novi član 32a. koji glasi:

„Član 32a.

(Nadležnost sportskog saveza lica sa invaliditetom Kantona)

(1) Sportski savez lica sa invaliditetom Kantona nadležan je za:

a) organizovanje i provođenje sistema ligaškog takmičenja za lica sa invaliditetom na nivou Kantona,

b) zastupanje i predstavljanje sporta za lica sa invaliditetom,

c) organizovanje poslova izrade radne verzije Strategije razvoja sporta u Kantonu, kao i godišnjeg programa razvoja sporta Kantona u skladu sa Strategijom, u dijelu koji se odnosi na sport za lica sa invaliditetom,

d) saradnju sa nadležnim sportskim organizacijama i organima Bosne i Hercegovine, entiteta, kantona, Brčko-Distrikta i drugih nivoa administrativnog organizovanja, u dijelu koji se odnosi na sport za lica sa invaliditetom,

e) obavljanje drugih poslova u skladu sa zakonom i podzakonskim propisima.

(2) Pored poslova iz stava (1) ovog člana, Sportski savez lica sa invaliditetom Kantona obavlja i druge poslove po nalogu Vlade Kantona i Ministarstva.

(3) Za obavljanje poslova iz stava (1) i (2) ovog člana Sportski savez lica sa invaliditetom Kantona sufinansira se iz sredstava predviđenih za tjelesnu kulturu i sport u Budžetu Kantona.“

Član 21.

U članu 33. iza stava (3) dodaje se novi stav (4) koji glasi:

„Odredbe ovog člana na odgovarajući način primjenjuju se i na udruženja lica sa invaliditetom za sportsku rekreaciju.“

Član 22.

U članu 34. stav (1) ispred riječi „općinsko“ dodaje se tekst „gradsko ili“.

U stavu (2) iza riječi „vlasništva“ briše se tačka, stavlja zarez i dodaje tekst: „uz prethodnu saglasnost Ministarstva, u skladu sa posebnim kriterijima.“

Iza stava (3) dodaje se novi stav (4) koji glasi:

„(4) Kriterije iz stava (2) ovog člana donosi Ministarstvo, uz saglasnost Vlade Kantona.“

Član 23.

U članu 42. stav (2) mijenja se i glasi:

„(2) Radni odnos u sportskim organizacijama zasniva se u skladu sa Zakonom o radu Federacije Bosne i Hercegovine, a zaposleni imaju sva prava, obaveze i odgovornosti iz radnog odnosa utvrđene zakonom, kolektivnim ugovorom, opštim aktom sportske organizacije i ugovorom o radu.“

Stav (3) briše se.

Član 24.

Iza člana 42. dodaje se novi član 42a. koji glasi:

„Član 42a.

(Pripravnici i lica na stručnom osposobljavanju)

(1) Lice koje je steklo stručnu spremu iz člana 52. stav (1) tačka a) ovog zakona, sportska organizacija može primiti na stručno osposobljavanje, na period od osam mjeseci, sa zasnivanjem radnog odnosa ili bez zasnivanja radnog odnosa.

(2) Ukoliko sportska organizacija sa licem iz stava (1) ovog člana zasniva radni odnos, takvo lice ima status pripravnika, i sa istim se zaključuje ugovor o radu na određeno vrijeme.

(3) Tokom trajanja radnog odnosa pripravnik ima pravo na 70% prosječne neto plaće isplaćene u Federaciji Bosne i Hercegovine, prema posljednjem objavljenom podatku Federalnog zavoda za statistiku, s tim da se sportska organizacija i pripravnik mogu dogovoriti i o većem iznosu plaće.

(4) Prijem lica na stručno osposobljavanje bez zasnivanja radnog odnosa sportska organizacija vrši zaključivanjem ugovora o stručnom osposobljavanju. Kopija ugovora dostavlja se nadležnoj službi za zapošljavanje, radi evidencije i nadzora, sve u roku od osam dana od dana potpisivanja istog.

(5) Ukoliko nije drugačije propisano ovim zakonom, na sve odnose između sportske organizacije i pripravnika, odnosno sportske organizacije i lica koje se prima na stručno osposobljavanje, primjenjuju se odredbe Zakona o radu Federacije Bosne i Hercegovine.

(6) Tokom trajanja radnog odnosa pripravnika, odnosno ugovora o stručnom osposobljavanju, sportska organizacija obavezna je iz reda svojih zaposlenika odrediti lice odgovarajućeg profila i stručne spreme pod čijim nadzorom će se rad obavljati (mentor). Pod odgovarajućim profilom i stručnom spremom za imenovanje mentora podrazumjeva se stručna sprema iz tačke a) stava (2) člana 52. ovog zakona.

(7) Izuzetno, ukoliko u sportskoj organizaciji nema lica koje ispunjava uslove iz stava (6) ovog člana, sportska organizacija može, u skladu sa stavom (6) ovog člana, kao mentora angažovati i lice koje nije njen zaposlenik, u kojem slučaju ista snosi sve troškove nastale povodom tog angažovanja.

(8) Poslove osposobljavanja u smislu ovog člana pripravnici i lica na stručnom osposobljavanju mogu obavljati i bez licence nadležnog granskog sportskog saveza Bosne i Hercegovine.“.

Član 25.

U članu 48. stav (2) mijenja se i glasi:

„(2) Profesionalni sportista iz stava (1) ovog člana zaključuje ugovor o radu na određeno vrijeme, na period od najduže pet godina. Profesionalni sportista može zaključiti više takvih ugovora, s tim da mu radni odnos ne može prerasti u radni odnos na neodređeno vrijeme.“

Član 26.

U članu 52. stav (2) tačke a), b) i c) mijenjaju se i glase:

„a) imaju visoku ili višu stručnu spremu, odnosno završen prvi ciklus visokog obrazovanja po Bolonjskom sistemu studiranja iz oblasti tjelesnog i zdravstvenog odgoja/sporta koji se vrednuje sa najmanje 180 ECTS bodova ili

b) imaju visoku ili višu stručnu spremu, odnosno završen prvi ciklus visokog obrazovanja po Bolonjskom sistemu studiranja iz drugih oblasti koji se vrednuje sa najmanje 180 ECTS bodova i licencu za rad u oblasti sporta ili

c) imaju priznat status zaslužnog sportiste ili status sportiste međunarodnog razreda u seniorskoj kategoriji u skladu sa zakonom i Pravilnikom o kategorizaciji sportista na nivou Bosne i Hercegovine, te posjeduje licencu za rad u oblasti sporta.“.

Stavovi (3), (4) i (5) mijenjaju se i glasi:

„(3) Stručno obrazovanje i osposobljavanje za rad u oblasti sporta, te izdavanje licenci za rad u oblasti sporta provode akreditovane visokoškolske ustanove koje u svom sastavu

imaju organizacionu jedinicu za oblast tjelesnog i zdravstvenog odgoja/sporta. Licenca za rad u oblasti sporta izdaje se na period od četiri godine, uz mogućnost njenog produžavanja.

(4) Stručno obrazovanje i osposobljavanje za rad u oblasti sporta, te izdavanje i potvrđivanje licence za rad u oblasti sporta, realizuje se u skladu sa posebnim obrazovnim planom i obrazovnim programom koji donosi senat visokoškolske ustanove.

(5) Troškove sticanja, izdavanja i produžavanja licence za rad u oblasti sporta utvrđuje upravni odbor visokoškolske ustanove iz stava (3) ovog člana.“

Iza stava (5), dodaju se novi stavovi (6), (7) i (8) koji glase:

„(6) Sportski klubovi i druge sportske organizacije dužni su stručne poslove u oblasti sporta propisane ovim zakonom povjeriti stručnim osobama iz stava (2) ovog člana.

(7) Ukoliko je, pored uslova propisanih ovim zakonom, za obavljanje stručnih poslova u oblasti sporta potrebno posjedovati i odgovarajuću licencu nadležnog granskog sportskog saveza Bosne i Herecegovine, isti se mogu obavljati tek nakon pribavljanja te licence.

(8) Pod akreditovanom visokoškolskom ustanovom u smislu stava (3) ovog člana podrazumjeva se visokoškolska ustanova sa najmanje institucionalnom akreditacijom.“

Član 27.

Član 54. mijenja se i glasi:

„Član 54.

(Instruktor)

Instruktor je osoba koja podučava građane osnovnoj tehnici pojedinog sporta ili provodi sportsku rekreaciju građana na osnovu programa koji je izradila stručna osoba osposobljena za rad u sportu u smislu člana 52. ovog zakona.“

Član 28.

Član 56. mijenja se i glasi:

„Član 56.

(Sportski radnici)

„Sportski radnici (menadžer u sportu, sudija, delegat i komesar-povjerenik), u smislu ovog zakona, su osobe koje ispunjavaju uslove propisane ovim zakonom i pravilima nadležnog granskog sportskog saveza Bosne i Herecegovine (ukoliko je na tom nivou osnovan granski sportski savez).“

Član 29.

U članu 61. stav (2) iza riječi „koju“ dodaje se tekst“, u pravilu“,

Iza stava (2) dodaju se novi stavovi (3) i (4) koji glase:

„(3) Zdravstvene ustanove ovlaštene za obavljanje zdravstvenih pregleda sportista u skladu sa ovim zakonom za područje grada, jedne ili više općina na području Kantona, određuje Ministarstvo zdravstva Kantona. Ukoliko ovlaštene zdravstvene ustanove u radnom odnosu nemaju specijalistu sportske medicine, iste su dužne iz reda svojih zaposlenika odrediti ljekare za obavljanje zdravstvenih pregleda sportista.

(4) Sredstva potrebna za obavljanje zdravstvenih pregleda sportista obezbjeđuju sportske organizacije na čiji zahtjev se pregledi obavljaju.“

Član 30.

U članu 63. stav (2) tekst „specijalista sportske medicine“ mijenja se i glasi „ovlašteni ljekar“.

Član 31.

Član 68. mijenja se i glasi:

„Član 68.

(Međunarodna zasnovanost)

Organizacija sportskih takmičenja i priredbi usklađuje se sa principima i standardima utvrđenim Evropskom poveljom o sportu, Evropskom konvencijom o zaštiti ljudskih prava i osnovnih sloboda, Konvencijom o pravima djeteta, Međunarodnom konvencijom protiv dopinga u sportu, Evropskom konvencijom o nasilju i nedoličnom ponašanju gledalaca na sportskim priredbama, Olimpijskom i paraolimpijskom poveljom, Akreditacijskim pravilima Specijalne olimpijade, pravilima međunarodnih sportskih asocijacija, Evropskim kodeksom o sportskoj etici, Deklaracijom o sportu, toleranciji i fer-pleju, te Izjavom iz Lozane o organizovanju sporta u Bosni i Hercegovini, preporukama Evropske konvencije o suzbijanju nasilja i nedoličnog ponašanja gledalaca na sportskim priredbama (posebno na nogometnim utakmicama) i drugim odgovarajućim propisima koji se odnose na organizovanje sportskih takmičenja i priredbi.“

Član 32.

U članu 72. stav (2) tekst „propisima Bosne i Hercegovine“, mijenja se i glasi „posebnim zakonom“.

Član 33.

U članu 79. iza stava (2) dodaje se novi stav (3) koji glasi:

„(3) Pravna i fizička lica koja obavljaju djelatnost sporta u Kantonu, dužne se na zahtjev Ministarstva ili nadležne inspekcije istim dostaviti podatke ili akte koji se odnose na njihov rad ili su u vezi sa provođenjem ovog zakona, u roku određenom od strane Ministarstva ili nadležne inspekcije, koji ne može biti kraći od osam dana, računajući od dana dostavljanja zahtjeva.“

Član 34.

Član 82. mijenja se i glasi:

„Član 82.

(Kaznene odredbe)

(1) Novčanom kaznom u iznosu od 1.000 do 5.000 KM kaznit će se sportska organizacija ako:

- a) nije upisano u registar pravnih lica u oblasti sporta (član 16.),
- b) nije upisano u registar fizičkih lica u oblasti sporta (član 16.),
- c) zaključi ugovor o radu sa sportistom, stručnim radnikom ili stručnim i administrativnim osobljem suprotno zakonu i kolektivnom ugovoru (član 42.),
- d) stručne poslove u sportu povjeri licima koja za to ne ispunjavaju uslove (član 52.),
- e) omogući da u sportskom takmičenju učestvuje lica za koje od strane ovlaštenog ljekara nije utvrđena opća i posebna zdravstvena sposobnost (član 61.),
- f) organizira sportsko takmičenje ili sportsku priredbu u Kantonu, a ne ispunjava propisane uslove (član 68.),
- g) organizira međunarodno sportsko takmičenje ili sportsku priredbu, bez saglasnosti nadležnog organa (član 69.),
- h) Ministarstvu ili nadležnoj inspekciji ne dostavi podatke ili akte u određenom roku (član 79.).

(2) Novčanom kaznom u iznosu od 1.000 do 5.000 KM kaznit će se fizičko lice ako:

- a) odbije saradnju sa zdravstvenom ustanovom ili drugim organom koji provjerava upotrebu nedozvoljenih stimulativnih sredstava (član 46.),
- b) obavlja stručne poslove u oblasti sporta, a ne ispunjava propisane uslove (član 52., 53 i 54.).

(3) Novčanom kaznom iz stava (1) ovog člana kaznit će se zdravstvena ustanova za postupanje suprotno odredbi stava (3) člana 61. ovog zakona.

(4) Za prekršaje iz stava (1) i (3) ovog člana kaznit će i odgovorno lice u sportskoj organizaciji ili zdravstvenoj ustanovi novčanom kaznom u iznosu od 500 do 2.000 KM.“

Član 35.

U roku od 15 dana od dana stupanja na snagu ovog zakona, u skladu sa zakonom, Ministarstvo će imenovati Savjet za sport Tuzlanskog kantona.

Član 36.

(1) Licima koja u momentu stupanja na snagu ovog zakona obavljaju stručne poslove u oblasti sporta po osnovu zaključenog ugovora o radu, a koja ne ispunjavaju propisane uslove za obavljanje stručnih poslova u oblasti sporta, dužna su iste ispuniti u roku od pet godina, računajući od početka akademske 2018/19. godine.

(2) Odredba stava (1) ovog člana neće se primjenjivati na pravne odnose i lica koja se po bilo kojem pravnom osnovu angažuju za obavljanje stručnih poslova u oblasti sporta nakon stupanja na snagu ovog zakona.

Član 37.

Pravo na sufinansiranje za obavljanje poslova iz okvira svoje nadležnosti Sportski savez lica sa invaliditetom Tuzlanskog kantona ostvarivat će od budžetske 2018. godine.

Član 38.

U roku od 30 dana od dana stupanja na snagu ovog zakona Ministarstvo zdravstva Tuzlanskog kantona donijet će akt kojim će odrediti zdravstvene ustanove ovlaštene za obavljanje zdravstvenih pregleda sportista.

Član 39.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
Skupština

Broj:
Tuzla,

Predsjednik Skupštine
Tuzlanskog kantona

Senad Alić